



Na osnovu člana 22 Statuta Brčko distrikta BiH – prečišćen tekst (Službeni glasnik Brčko distrikta BiH, broj 2/10) i člana 132 Poslovnika o radu Skupštine Brčko distrikta BiH – prečišćen tekst (Službeni glasnik Brčko distrikta BiH, broj 54/18), razmatrajući Prijedlog budžeta Brčko distrikta BiH za 2020. godinu, Skupština Brčko distrikta BiH, na 15. vanrednoj sjednici održanoj 31. januara 2020. godine, donosi

O D L U K U O ODRŽAVANJU JAVNE RASPRAVE O PRIJEDLOGU BUDŽETA BRČKO DISTRIKTA BiH ZA 2020. GODINU

Član 1

Ovom odlukom uređuje se način održavanja javne rasprave o Prijedlogu budžeta Brčko distrikta BiH za 2020. godinu.

Član 2

Nosilac aktivnosti sprovođenja javne rasprave je Komisija za budžet Skupštine Brčko distrikta BiH zajedno s predstavnicima Direkcije za finansije Brčko distrikta BiH i nadležnih odjeljenja Vlade Brčko distrikta BiH.

Član 3

Zadužuje se Vlada Brčko distrikta BiH da, u roku od tri (3) dana od dana usvajanja ove odluke, Prijedlog budžeta Brčko distrikta BiH za 2020. godinu učini dostupnim na web-stranici Vlade Brčko distrikta BiH www.bdcentral.net.

Član 4

Javna rasprava bit će održana u vremenskom periodu od **17. februara 2020. godine do 22. februara 2020. godine**, u predviđenim terminima, kako slijedi:

1. **ponedjeljak, 17. februara 2020. godine**, u Brčkom – u Domu kulture s početkom u **17 sati**. Javna rasprava bit će održana s predstavnicima mjesnih zajednica, političkih partija, Privredne komore, Sindikata i udruženja građana;
2. **utorak, 18. februara 2020. godine**, u Brčkom – u Domu kulture s početkom u **17 sati**. Javna rasprava bit će održana s predstavnicima mjesnih zajednica, političkih partija, Privredne komore, Sindikata i udruženja građana;
3. **srijeda, 19. februara 2020. godine**, u Brčkom – u Domu kulture s početkom u **17 sati**. Javna rasprava bit će održana s predstavnicima mjesnih zajednica, političkih partija, Privredne komore, Sindikata i udruženja građana.

4. **subota, 22. februara 2020. godine**, u Brčkom – u Domu kulture s početkom u **12** sati. Javna rasprava bit će održana s predstavnicima mjesnih zajednica, političkih partija, Privredne komore, Sindikata i udruženja građana.

Član 5

Finansijska sredstva za organizovanje i sprovođenje javne rasprave, te štampanje **650** primjeraka Prijedloga budžeta Brčko distrikta BiH za fiskalnu 2020. godinu kao i njihovu distribuciju obezbijedit će Vlada Brčko distrikta BiH.

Član 6

Nakon sprovedene javne rasprave, odnosno poslije **22. februara 2020.** godine, skupštinska Komisija za budžet će sumirati kompletnu raspravu i podnijeti Skupštini izvještaj s prijedlozima i mišljenjima s javne rasprave.

Član 7

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-787/20

Brčko, 31. 1. 2020. godine

PREDSJEDNIK
SKUPŠTINE BRČKO DISTRIKTA BiH
Esed Kadrić

Dostavljeno:

- 1) Predsjedniku
- 2) Dopredsjedniku
- 3) Gradonačelniku
- 4) Glavnom koordinatoru Vlade
- 5) Pravosudnoj komisije Brčko distrikta BiH
- 6) Policiji Brčko distrikta BiH
- 7) Direkciji za finansije
- 8) Komisiji za budžet Skupštine Brčko distrikta BiH
- 9) Sektor za opšte poslove i strateško planiranje
- 10) Arhivi